



Broj: 09-20-11-2-2642/4

Dana: 30.12.2020. godine

Na osnovu člana 43. i 45. Zakona o unutrašnjim poslovima Federacije Bosne i Hercegovine (Službene novine Federacije BiH broj: 81/14), člana 25., 69. i 70. Zakona o javnim nabavkama BiH (Službeni glasnik BiH broj: 39/14), i preporuke Komisije za provođenje otvorenih postupaka nabavke u 2020. godini, zamjenik direktora Federalne uprave policije d o n o s i :

ODLUKU

o poništavanju postupka javne nabavke laboratorijskog sitnog inventara i potrošnog materijala za
LOT 4 (Laboratorijski sitni i potrošni materijal za zaštitu- maske)

I

Na osnovu Obavještenja o nabavci broj: 1412-1-1-263-3-129/20 od 04.12.2020. godine, koje je objavljeno u Službenom glasniku BiH broj: 80/20 od 11.12.2020. godine, proveden je otvoreni postupak javne nabavke laboratorijskog sitnog inventara i potrošnog materijala. Do naznačenog krajnjeg roka za dostavljanje ponuda u otvorenom postupku javne nabavke za LOT 4 (Laboratorijski sitni i potrošni materijal za zaštitu- maske) svoju ponudu je dostavio jedan ponuđač i to: SHOT d.o.o., Zenica.

Komisija je konstatovala da jedina pristigla ponuda ponuđača SHOT d.o.o., Zenica značajno prevazilazi procjenjenu vrijednost nabavke za LOT 4 (Laboratorijski sitni i potrošni materijal za zaštitu- maske), a koja je određena Odlukom o pokretanju postupka javne nabavke br.09-20-11-2-2642 od 02.12.2020. godine u iznosu od 13.135,73 KM bez PDV-a za LOT 4, te je s tim u vezi predložila poništavanje postupka javne nabavke.

II

Cijeneći prijedlog Komisije, zamjenik direktor Federalne uprave policije donosi Odluku kao u dispozitivu i ista stupa na snagu danom donošenja.

III

Za izvršenje Odluke zadužuje se Sektor za materijalno- finansijske poslove.

OBRAZLOŽENJE

Federalna uprava policije je provela otvoreni postupak javne nabavke laboratorijskog sitnog inventara i potrošnog materijala, po Obavještenju o javnoj nabavci broj: 1412-1-1-263-3-129/20 od 04.12.2020. godine, koje je objavljeno u Službenom glasniku BiH broj: 80/20 od 11.12.2020. godine. S tim u vezi, Komisija za provođenje otvorenih postupaka nabavke za 2020. godinu, imenovana Rješenjem zamjenika direktora Federalne uprave policije broj: 09-19/1-30-2-111 od 13.02.2020. godine, je utvrdila je da je u predviđenom roku za dostavljanje ponuda za LOT 4 (Laboratorijski sitni i potrošni materijal za zaštitu- maske), pristigla samo jedna ponuda, i to ponuđača: SHOT d.o.o., Zenica, što je i konstatovala u svom Zapisniku sa otvaranja ponuda u koji su uneseni svi elementi predviđeni članom 63. stav 4. i 5. Zakona o javnim nabavkama BiH.

Uvidom Komisije u dostavljenu dokumentaciju, utvrđeno je da naprijed navedeni ponuđač zadovoljava formalno- pravne uslove za dalje razmatranje dostavljene ponude. Komisija je potom konstatovala i da jedina pristigla ponuda ponuđača SHOT, Zenica značajno prevazilazi procjenjenu vrijednost nabavke za LOT 4 (Laboratorijski sitni i potrošni materijal za zaštitu- maske), a koja je određena Odlukom o pokretanju postupka javne nabavke br.09-20-11-2-2642 od 02.12.2020. godine u iznosu od 13.135,73 KM bez PDV-a za LOT 4, te je s tim u vezi predložila poništavanje postupka javne nabavke.

S tim u vezi, a shodno članu 69. stav 2 tačka e) Zakona o javnim nabavkama BiH (Prestanak postupka javne nabavke), Komisija je predložila u svom Zapisniku broj: 09-20-11-2-2642 od 23.12. i 29.12.2020. godine, donošenje Odluke o poništavanju postupka javne nabavke u dijelu LOT 4 (Laboratorijski sitni i potrošni materijal za zaštitu- maske) u skladu sa članom 70. navedenog zakona.

Pravna pouka: Protiv ove Odluke može se podnijeti žalba ugovornom organu, Federalnoj upravi policije Sarajevo, u roku od 10 (deset) dana od dana prijema ove Odluke.

**ZAMJENIK DIREKTORA
GENERALNI INSPEKTOR POLICIJE**
Ensad Korman



Dostaviti:

- Sektor za mat. fin. poslove
- ponuđačima
- u spis